

輿地廣記卷第七



京東西路

襲慶府大都督府兗州春秋戰國為魯邾二國之境秦置薛郡二漢屬魯國泰山山陽郡晉屬魯郡山陽兼置兗州宋屬魯郡泰山高平後魏為魯郡北齊改為任城郡隋開皇三年郡廢大業二年改兗州為魯郡唐武德初克徐圓朗復曰兗州天寶元年曰魯郡後升泰寧軍節度周降防禦 皇朝建隆元年復泰寧軍大中祥符元年升都督府今縣七

輿地廣記

卷七

一

上瑕丘縣本魯負瑕邑春秋季康子入邾以邾子來囚諸負瑕是也瑕丘在縣西南昔衛公叔文子外之邁伯玉從文子曰樂哉斯丘死則我欲葬焉伯玉曰吾子欲之則瑗請前二漢屬山陽郡晉省入南平陽屬高 隋開皇十三年復置瑕丘為魯郡治唐為兗州漢楚屬 國後漢屬任城國晉因之其後廢焉故城在今縣西南有檀鄉 上奉符縣本漢博縣屬泰山郡後漢晉因之後魏為郡治北齊改郡曰東平隋開皇初郡廢

十六年改縣曰汶陽尋改為博城屬魯郡唐武德五年置東泰山正觀元年州廢屬兗州乾封元年更名乾封 皇朝大中祥符元年改為奉符漢奉高縣為泰山郡治後漢晉因之其後郡徙治博隋開皇六年改縣曰岱山大業初省入博城漢梁父牟二縣並屬泰山郡牟故國春秋牟人來朝是也隋省之唐省梁父皆入博城有泰山梁父山昔秦始皇禪梁父即此有龜山魯頌所謂奄有龜蒙是也漢鉅平縣屬泰山郡後漢晉因之其後廢地

輿地廣記

卷七

二

入博城有亭亭山社首山

上泗水縣本魯下邑春秋夫人姜氏會齊侯于

卞是也漢屬魯國後漢晉因之其後廢焉隋

開皇十六年於卞故城置泗水縣屬魯郡唐

屬兗州有陪尾山泗水所出有云云山有尼

丘山孔子母顏氏所禱即此漢汶陽縣屬魯

國後漢晉因之後廢故城在縣西

上龔丘縣本漢寧陽縣屬泰山郡後漢屬東平

國晉省之北齊置平原縣隋開皇十六年改

曰龔丘屬魯郡唐屬兗州漢剛縣屬泰山郡

本魯之闡鄉春秋齊人取謹及闡是也後漢屬濟北國晉曰剛平屬東平國其後廢為故城在今縣東北漢蛇丘縣屬泰山郡城下有水即魯之蛇淵園也春秋為鑄遂二國地鑄為蛇丘治所而遂在西北十里後漢晉屬濟北國後廢按水經注云汶水又西泲水出焉又西逕蛇丘縣南又云蛇水西南逕下謹城南蛇水即謹水也今泲水謹水在龔丘則亦蛇丘地矣

中下仙源縣本壽丘黃帝所生之地亦為少昊

輿地廣記

卷七

三

氏之墟有大庭氏之庫周封伯禽為魯侯宅曲阜曲阜在城中委曲長七八里楚滅魯以為縣秦置薛郡漢高后元年改為魯國後漢因之晉為魯郡北齊改為任城郡隋開皇三年郡廢四年改魯縣為汶陽十六年改曰曲阜屬魯郡唐屬兗州 皇朝大中祥符元年改為仙源有闕里孔子所居漢魯恭王殿階猶存

中下萊蕪縣漢屬泰山郡後漢晉因之後廢後魏於萊蕪故城置羸縣隋屬魯郡唐正觀元

年省入博城長安四年復置萊蕪屬兗州羸
本齊邑春秋公會齊侯于羸是也漢屬泰山
郡後漢晉因之後廢地入萊蕪有原山淄水
汶水所出淄水東北流至千乘入海汶水西
南流至中都入大野陂有肅然山漢武帝禪
肅然即此

下鄒縣春秋時邾文公卜遷于繹即此後改為
鄒戰國時為楚所滅城北有孟子冢二漢屬
魯國晉隋屬魯郡唐屬兗州繹山在北秦始
皇上繹山命李斯勒石頌秦德焉有鳧山魯

輿地廣記

卷七

四

頌所謂倨有鳧繹是也南平陽縣二漢屬山
陽郡晉屬高平國後廢入鄒

大都督府徐州春秋屬宋戰國時屬楚秦屬泗
水郡項羽為西楚霸王都此漢屬楚國沛郡後
漢晉皆屬彭城沛國兼置徐州宋因之後魏亦
屬彭城沛郡置徐州後周廢沛郡隋開皇初廢
彭城郡大業初復為彭城郡唐為徐州號建寧
軍今縣五

望彭城縣故大彭國彭所封春秋時宋封魚
石為采邑周顯王四十二年九鼎淪於泗水

秦始皇過彭城使千人求之不得號項羽都
之號西楚漢高帝封弟友為楚元王後漢光
武封其子英為楚王晉為彭城國兼置徐州
治此為重鎮劉裕為宋公嘗居之後宋將薛
安都舉城歸魏以為彭城郡兼置徐州隋開
皇初郡廢大業初復置唐為徐州

望沛縣有沛澤因以為名秦屬泗水郡二漢屬
沛郡高帝縣人起兵於此號沛公後破黥布
還置酒沛宮後劉備屯兵于小沛袁術遣紀
靈攻備呂布來救之即此晉屬沛國隋屬彭

輿地廣記

卷七

五

城郡唐屬徐州漢廣戚縣屬沛郡後漢晉屬
彭城後廢入沛

望蕭縣故國春秋時楚子滅之漢屬沛郡後漢
晉屬沛國北齊改為承高隋開皇六年改為
龍城十八年改為臨沛大業初復改曰蕭屬
彭城郡唐屬徐州漢扶陽縣屬沛郡後漢省
之故城在縣西北

緊滕縣故國漢地理志云周懿王子錯叔繡所
封而左傳云郟雍曹滕文之昭也恐地理志
誤戰國時為齊所滅漢封夏侯嬰為滕公後

為公丘縣屬沛郡後漢屬沛國晉屬魯郡後
廢公丘入蕃縣蕃縣屬魯國晉屬魯郡後置
蕃郡北齊郡廢隋改蕃縣曰滕屬彭城郡唐
屬徐州薛縣故國奚仲所封戰國時屬齊謂
之徐州秦屬薛郡二漢屬魯國晉屬魯郡後
廢故城在今縣東昌慮縣故小邾國漢為東
海郡後漢晉因之後廢故城在今縣東南
緊豐縣秦泗水郡沛縣之豐邑漢高帝生于此
後以為縣屬沛郡後漢晉屬沛國隋屬彭城
郡唐屬徐州大澤在西高帝斬白蛇于此

輿地廣記

卷七

六

東輔拱州春秋屬宋陳戰國屬楚魏秦屬三川
碭郡漢屬陳留淮陽梁國後漢屬陳留濟陰陳
梁國晉屬陳留濟陽梁國隋屬梁郡淮陽唐屬
宋陳曹州梁屬開封宋州後唐復屬宋陳曹州
晉漢周皆屬開封宋州 皇朝屬開府應天
府崇寧四年建名輔州以為東輔又改為拱州
治襄邑縣今縣六
畿襄邑本宋承匡襄陵鄉也襄公所葬故曰襄
陵秦始皇以承匡卑濕乃徙縣於襄陵謂之
襄邑漢晉屬陳留郡北齊廢之隋開皇十六

年復置屬梁郡唐屬宋州梁開平元年屬開封府後唐同光初還晉天福中又屬開封

皇朝崇寧四年立拱州縣

畿考城縣本子姓戴國春秋宋人蔡人衛人伐戴是也秦謂之穀縣楚漢兵起邑多遇火因名留縣漢屬梁國後漢屬陳留郡章帝東巡詔改曰考城取越乃光烈考武王之義也後魏曰考陽置北梁郡北齊並廢之以為城安縣隋開皇十八年復改曰考城屬梁郡唐屬曹州梁開平元年屬開封府皇朝崇寧

輿地廣記

卷七

七

四年來屬漢薄縣屬山陽郡故城在東北湯都毫即此水經注言梁有二毫南毫在穀熟北毫在蒙皆為湯所都學者多謂毫在河洛之間以今偃師城二十里尸鄉為是皇甫謐以為孟子言湯居毫與葛為隣今寧陵古葛國地湯地七十里葛又伯耳封域又限而寧陵去偃師八百里安能使毫衆往為之耕而童子饋食哉乃知梁之二毫為湯都審矣畿太康縣本陽夏縣漢屬淮陽國後漢屬陳國晉屬梁國後置淮陽郡隋開皇初郡廢七年

改陽夏曰太康屬淮陽郡唐屬陳州梁開平
元年屬開封府 皇朝崇寧四年來屬有
後漢扶樂縣故城在北

畿寧陵縣古葛伯國書所謂湯征自葛始也戰
國屬魏為信陵君無忘所封漢屬陳留郡晉
屬梁國北齊廢之隋開皇十六年復置屬梁
郡唐屬宋州 皇朝屬天府崇寧四年來
屬

畿楚丘縣春秋戎州已氏之邑蓋昆吾之後別
在夷狄者周襄入居于此漢為已氏縣屬梁

輿地廣記 卷七

國後漢屬濟陰郡晉屬濟陽郡後魏置北譙
郡北齊並廢之隋開皇四年復置已氏縣六
年改曰楚丘屬梁郡唐屬宋州 皇朝屬

應天府崇寧四年來屬水經云昔衛文公徙
居楚丘即此非也按衛為狄所滅東徙渡河
野處曹邑文公徙居楚丘曹邑在今滑之白
馬楚丘在今澶之衛南二邑相近且不出邦
域之內宜文公之所徙也今拱州楚丘在戎
州之邑迫近宋都春秋所謂戎伐北伯于楚
丘是也非衛之所遷也然則今縣有景山京

岡乃後人附會而名之耳

畿柘城縣二漢為柘縣屬淮陽國其後廢焉隋

開皇十六年置柘城縣屬梁郡唐屬宋州

皇朝屬應天府崇寧四年來屬

都督興仁府周武王封弟叔振鐸為曹國其後

為宋所滅戰國屬魏秦屬碭郡漢立彭越為梁

王都之景帝中六年別為濟陰國甘露二年更

名定陶又改為濟陰郡後漢因之晉為濟陽郡

後魏置沛郡及西兗州北齊郡廢後周改西兗

為曹州隋復為濟陰郡唐復為曹州晉號為威

輿地廣記

卷七

九

信軍節度漢罷之周改彰信軍

皇朝建中

靖國元年改為興仁軍後升興仁府大觀三年

升都督今縣四

望濟陰縣本漢定陶縣地汜水西分濟瀆東北迤

縣南又東北入于河瀆高帝既定天下即位

於汜水之陽取其汜爰洪大而潤下也二漢

置濟陰郡晉為濟陽郡後魏分定陶置濟陰

縣及沛郡北齊郡廢屬濟陰郡隋開皇六年

分濟陰置黃縣十八年改為蒙澤大業初省

入焉唐為曹州正觀元年省定陶入焉

望寬亭縣本曰寬句二漢屬濟陰郡晉屬濟陽
郡隋屬濟陰郡唐屬曹州 皇朝大觀二
年改為寬亭有故煇棗城史記蘇秦說魏襄
王曰大王之地東有淮潁煇棗是也有漆園
莊周為蒙漆園吏則寬句亦蒙縣地矣
緊乘氏縣春秋魯莊公敗宋師于乘丘即此二
漢屬濟陰郡晉屬濟陽郡隋屬濟陰郡唐屬
曹州二漢句陽縣屬濟陰郡左傳桓十二年
公及宋公盟于句瀆之丘是也晉屬濟陽郡
其後廢焉故城在今縣西

輿地廣記

卷七

十

上南華縣本漢離狐縣屬東郡後漢屬濟陰晉
屬濟陽後魏置北濟陰郡北齊郡廢縣亦廢
唐後置離狐縣屬曹州天寶元年更名南華
有濮水莊子釣于濮水是也

東平大都督府鄆州春秋為須句國及屬魯戰
國屬宋春屬碭郡漢屬東郡東平國後漢因
之晉為東平國及屬濟北隋為鄆州及屬濟
州後為東平郡及屬濟北唐為鄆州及屬濟
州後廢濟州入焉 皇朝大觀元年升大
都督府今縣六

望湏城縣故湏勾國風姓太昊之後春秋邾人滅湏勾湏勾子奔魯魯伐邾取湏勾反其君焉秦置湏昌縣湏昌在湏勾城北蓋湏勾子所遷焉漢屬東郡後漢屬東平晉為東平治而於宿城西北三十二里別置湏昌屬東平郡唐屬鄆州正觀八年州自鄆城移治湏昌後唐避廟諱改為湏城宿故風姓國太昊之後春秋及宋人盟於宿二漢為無鹽縣東平國治焉晉屬東平其後廢之隋置宿城縣屬輿地廣記

卷七

十一

東平唐屬鄆州正觀八年省入湏昌景雲三年復置宿城正元四年改曰東平移於郭下太和四年改曰天平六年省入湏昌有郛鄉亭魯大夫邱伯食邑也

望陽穀縣春秋齊侯宋公江人黃人會于陽穀杜預云齊地在湏昌北隋開皇十六年置陽穀縣屬濟北郡唐屬濟州天寶十三載州廢來屬有盧縣本齊地漢屬泰山郡後漢屬濟北國晉因之後魏置濟州隋大業初置濟北郡唐武德四年復置濟州天寶十三載州廢

來屬其後省焉有碭礮城為濟州治所宋寧
朔將軍王玄護前鋒入河平碭礮守之其城
臨水西南汜于河今濟州徙置鉅野而盧縣
廢久唯碭礮津在陽穀境則亦盧地矣

緊中都縣本古厥國漢為東平陸縣屬東平國
後漢及晉皆因之北齊改曰樂平隋開皇十
六年改為平陸縣屬魯郡隋屬兗州天寶元
年更名中都貞元十四年來屬中都魯邑孔
子之所宰也

緊東阿縣本齊之柯邑春秋莊十三年公會齊
輿地廣記 卷七 十三

侯盟于柯曹沫劫盟于此二漢曰東阿屬東
郡晉屬濟北國隋屬濟北郡唐屬濟州天寶
十三載州廢來屬有阿井歲常煮膠以貢天
府穀城齊地也春秋莊公七年夫人姜氏會
齊侯於穀三十二年魯城小穀以為管仲私
邑城中有管仲井後漢置穀城縣屬東郡晉
屬濟北國其後廢入東阿故城在縣東有穀
城山漢張良得穀城山下黃石取而寶祠之
即此

上壽張縣本春秋之良邑漢置壽良縣屬東郡

後漢光武叔父名良改為壽張屬東平國晉因之隋屬濟北郡唐屬鄆州有蚩尤祠

上平陰縣本齊地春秋襄十八年公會諸侯同伐齊齊侯遇之平陰漢晉為盧縣地隋開皇十四年置榆山縣屬濟北郡大業初改曰平陰唐屬濟州天寶十三載州廢來屬漢肥城縣故肥子國也屬泰山郡後漢省之其後復焉宋置濟北郡後魏因之北齊郡廢後周置肥城郡隋開皇初郡廢縣屬濟北郡唐省之故城在平陰東南

輿地廣記

卷七

十三

上濟州春秋屬魯戰國屬宋秦為碭郡二漢屬山陽郡東平國晉屬高平任城國隋屬東平濟陰魯郡唐屬鄆兗二州舊濟州治盧唐廢入鄆州其地今在陽穀西北周別置濟州於鄆州之鉅野皇朝因之今縣四

望鉅野縣二漢屬山陽郡晉屬高平國其後廢焉隋開皇十六年復置東平郡唐屬鄆州周廣順二年置濟州禹貢大野澤在東北左傳襄十四年西狩於大野獲麟以為不祥仲尼曰麟也然後取之

望任城縣故任國大夫氏之後漢屬東平國後漢置任城國晉因之後置高平郡隋開皇初郡廢縣屬魯郡唐屬兗州周廣順二年來屬漢廢入縣屬東平國後漢屬任城國晉因之其後廢焉故城在今縣南

望金鄉縣漢昌邑縣地縣所治名金鄉山漢司隸校尉魯恭嘗於山北鑿石為冢得白兔白蛇不葬更葬山南鑿而得金故曰金鄉山後漢置縣屬山陽郡晉屬高平國隋屬濟陰郡唐屬兗州周廣順二年來屬昌邑故屬梁漢

輿地廣記

卷七

十四

景帝十六年別置山陽國武帝天漢四年更名昌邑以封子昌邑哀王其後國除復為山陽郡後漢因之兼為兗州刺史治晉為高平國其後廢入金鄉隋開皇十六年分置昌邑大業初省入焉唐武德五年又分置昌邑八年又省入焉故城在縣西有東緡縣本宋邑春秋僖二十三年齊侯伐宋圍緡是也二漢屬山陽郡後省入昌邑今併入金鄉望鄆城縣今魯西邑左傳成十六年晉人執李文子于莒丘公還待于鄆漢晉皆為廩丘縣

地後周置清澤縣及高平郡隋開皇初郡廢
改縣曰萬安十八年改曰鄆城大業初置東
平郡唐為鄆州正觀八年州徙治於須昌周
廣順二年來屬

上單州春秋屬宋魯戰國屬宋秦置碭郡漢屬
山陽梁國後漢屬濟陰梁國晉屬濟陽梁國
隋屬濟陰梁郡唐屬宋曹兗州唐末以宋州
之碭山梁太祖鄉里也為置輝州已而徙治
單父後唐滅梁改為單州其屬縣置徙傳記
不同今領單父碭山成武魯臺四縣

輿地廣記

卷七

十五

望單父縣本魯邑宓子賤為宰彈琴不下堂而
治者也漢屬山陽郡後漢屬濟陰郡晉屬濟
陽郡後魏曰離狐置北濟陰郡北齊並廢之
隋開皇六年更置曰單父屬濟陰郡唐屬宋
州後屬輝州光化三年自碭山徙輝州來治
後唐改為單州

望碭山縣碭文石也山出文石故以名之秦置
碭縣及碭郡漢高帝隱于芒碭山澤間有雲
氣呂后與人俱求常得之高帝五年置梁國
後漢屬焉晉省入下邑後魏置曰安陽隋開

皇十八年改名碭山屬梁郡唐屬宋州朱全忠先縣人也光化二年表置輝州三年徙治單父後唐屬單州

緊成武縣漢屬山陽郡後漢屬濟陰郡北齊置永昌郡隋開皇初郡廢十六年置戴州大業初州廢縣屬濟陰郡唐屬曹州光化二年屬輝州後唐屬置州

上魚臺縣本魯之棠也春秋隱五年公矢魚于棠二漢為方與縣屬山陽郡晉屬高平國元魏屬高平郡北齊廢之隋開皇十六年復置

輿地廣記

卷七

十六

屬彭城郡唐屬兗州寶應元年更名魚臺以城北有魯侯觀魚臺故也其後來屬漢胡陵縣屬山陽郡後漢章帝改為胡陸晉屬高平國其後廢焉故城在今縣東

上濮州春秋戰國時皆屬衛秦屬東郡二漢屬濟陰東郡晉屬濮陽濟陽東平國隋屬東平濟北郡唐為濮州今縣四

望鄆城縣本衛地春秋莊十四年單伯會齊侯于鄆二漢為鄆城縣屬濟陰郡曹公為兗州刺史創業始於此為晉屬濮陽國後置濮陽

郡隋開皇初郡廢十六年置濮州大業初州廢縣屬東平郡唐為濮州

際雷澤縣本成國周武王弟成叔武所封其後遷於成於陽故謂成陽縣二漢屬濟陰郡晉屬濟陽郡北齊廢之隋開皇十六年復置曰雷澤屬東平郡唐屬濮州禹貢雷夏澤在西北廩丘本齊邑左傳襄二十四年齊烏餘以廩丘奔晉漢屬東郡後漢屬濟陰郡晉屬濮陽國隋大業初省焉故城在縣北之

上臨濮縣漢濮陽成陽縣地隋開皇十六年分輿地廣記

卷七

十七

雷澤置大業初省入焉唐武德四年復置屬濮州春秋宣十一年晉人宋人衛人曹人同盟于清丘杜預注云清丘衛地在濮陽縣東南其地今入臨濮

上范縣二漢屬東郡晉屬東平國北齊廢之隋開皇十六年復置屬濟北郡唐屬濮州春秋晉大夫士會之邑也

同下州廣濟軍自唐虞以下地理與興仁府同皇朝置廣濟軍今縣一上定陶縣故三朶國周封曹叔振鐸於此范蠡

變姓名於陶曰陶朱公秦相魏冉以陶蓋封
焉梁王彭越都之漢宣帝封子為定陶恭王
後為濟陰郡晉為濟陽郡後魏屬西兗州後
周屬曹州隋屬濟陰郡唐正觀元年省定陶
入濟陰縣 皇朝太平興國三年以定陶
鎮置廣濟軍熙寧四年軍廢屬曹州元佑元
年復置禹貢陶丘在西南荷澤在東北

輿地廣記七卷終
輿地廣記 卷七

六